

MISSÆ PROPRIÆ PATRONORUM,

ET

FESTORUM

REGNI POLONIÆ.

AD NORMAM MISSALIS ROMANI
ACCOMODATÆ.

FESTA NOVEMBRIS.

Die XXX. Novembris.

IN FESTO

S. ANDRÆ Apost. Patron. Diœces. Varmienf. Missa, ut in Missal. Roman.

FESTA DECEMBRIS.

Die IV. Decembris.

IN FESTO

S. Barbaræ Virginis & Martyris.

Introitus. Psal. 18.



Loquēbar de testimoniis tuis in conspēctu regum, & non confundēbar: & meditābar in mandātis tuis, quæ dilexi nimis.

Psal. ibid. Beati immaculati in via, qui ambulat in lege Domini.

V. Gloria Patri. Oratio.

Deus, qui inter cætera potentia tuæ miracula, etiam in sexu fragili victoriam martyrii contulisti: concede propitius; ut, qui beatæ Barbaræ Virginis & martyris tuæ natalitia colimus, per ejus ad te exempla gradiamur. Per Dominum nostrum Jesum Christum Filium tuum: qui tecum vivit & regnat in unitate Spiritus sancti Deus.

Lectio libri Sapiëntiæ. Eccl. 51.

Confitebor tibi Domine Rex, & collaudabo te Deum Salvatorem meum. Confitebor nomini tuo: quoniam adjutor & protector factus es mihi, & liberaſti corpus meum a perditione, a laqueo linguæ iniquæ, & a labijs operantium mendacium, & in conspectu astantium factus est mihi adjutor. Et liberaſti me secundum multitudinem misericordiae nominis tui a rugientibus, preparatis ad escam, de manibus quarerentium animam meam, & de portis tribulationum, quæ circumdederunt me a pressura flammæ, quæ circumdedit me, & in medio ignis non sum aestuata: de altitudine ventris inferi, & a lingua coinquinata, & a verbo mendacij, a rege iniquo; & a lingua injusta. Laudabit usque ad mortem anima mea Dominum, quoniam eruis sustinentes te, & liberas eos de manibus gentium, Domine Deus noster.

Graduale. Psal. 44. Dilexisti justitiam, & odisti iniquitatem. *V.* Propterea unxit te Deus, Deus tuus, oleo lætitiæ. Allelûja, allelûja.

V. ibid. Adducuntur Regi virgines post eam, proximæ ejus afferentur tibi in lætitia. Allelûja.



sequentia sancti Evangelij secundum
Matthæum. **Matth. 25.**

In illo tempore: Dixit Jesus discipulis suis parabolam hanc: Simile erit regnum cœlorum decem virginibus: quæ accipientes lampades suas, exierunt obviam sponso, & sponsæ. Quinque autem ex eis erant fatuæ, & quinque prudentes: sed quinque fatuæ acceptis lampadibus, non sumpserunt oleum secum: prudentes verò acceperunt oleum in vasis suis cum lampadibus. Moram autem faciente sponso, dormitaverunt omnes, & dormierunt. Média autem nocte clamor factus est: Ecce sponsus venit, exite obviam ei. Tunc surrexerunt omnes virgines illæ, & ornaverunt lampades suas. Fatuæ autem sapientibus dixerunt: Date nobis de oleo vestro: quia lampades nostræ extinguuntur. Responderunt prudentes, dicentes: Ne fortè non sufficiat nobis, & vobis, ite potius ad vendentes, & emite vobis. Dum autem irent emere, venit sponsus: & quæ paratæ erant, intraverunt cum eo ad nuptias, & clausa est janua. Novissimè verò veniunt, & reliquæ virgines, dicentes, Dómine, Dómine aperi nobis. At ille respondens, ait: Amen dico vobis, nescio vos. Vigilate itaque, quia nescitis diem, neque horam.

Offertorium. Psal. 44. Afferentur Regi virgines post eam, proximæ ejus afferentur tibi in læticia & exultatione adducuntur in templum Regi Dómino.

Secreta,

Suscipe Dómine munera, quæ in beatæ Bárbaræ Virginis & martyris tuæ solemnitate deferimus, cujus nos confidimus patrocinio liberari. Per Dóminum nostrum Jesum Christum Filium tuum: Qui tecum vivit & regnat in unitate Spiritus sancti DEUS. Per omnia sæcula sæculorum, Amen.

Communio. Psal. 118. Confundantur superbi, quia injustè iniquitatem fe-

cerunt in me: ego autem in mandatis tuis exercebor, in tuis justificationibus, ut non confundar.

Postcommunio.

Auxilientur nobis, Dómine, sumpta mysteria: & intercedente beata Bárbara virgine & martyre tua, sempiterna faciant protectione gaudere. Per Dóminum nostrum Jesum Christum Filium tuum: Qui tecum vivit & regnat in unitate Spiritus sancti Deus, per omnia sæcula sæculorum, Amen.

Die X. Decembris.

IN FESTO

Translationis Almæ Domûs Lauretanæ.

Introitus. Gen. 82.

Terribilis est locus iste: hic Domus Dei est, & porta cœli: & vocabitur aula Dei.

Psal. 83. Quàm dilecta tabernacula tua Dómine virtutum! concupiscit, & deficit anima mea in atria Dómini. **V. Gloria Patri.**

Oratio.

Deus, qui beatæ Mariæ Virginis Dóminum per incarnati Verbi mysterium misericorditer consecrasti, eamque in sinu Ecclesiæ tuæ mirabiliter collocasti: concede, ut segregati à tabernaculis peccatorum, digni efficiamur habitatores Domûs sanctæ tuæ. Per eundem Dóminum.

Lectio libri Sapientiæ. Eccl. 24.

In omnibus requiem quæsi, & in hereditate Dómini morabor. Tunc præcepit, & dixit mihi Creator omnium, & qui creavit me, requievit in tabernaculo meo, & dixit mihi: in Jacob inhabita, & in Israël hereditare, & in electis meis mitte radices. Et sic in Sion firmata sum, & in civitate sanctificata similiter requievi, & in Jerusalem potestas mea. Et radicavi in populo honorificato, & in parte Dei mei hereditas il-

lius

lius, & in plenitudine Sanctorum detentio mea. Quasi cedrus exaltata sum in Libano, & quasi cypressus in monte Sion: quasi palma exaltata sum in Cades, & quasi plantatio rosæ in Jéricho. Quasi oliva speciosa in campis, & quasi platanus exaltata sum juxta aquam in plateis. Sicut cinamomum & balsamum aromatizans odorem dedi: quasi myrrha electa dedi suavitatem odoris.

Graduale. Unam petii à Dómino, hanc requiram, ut inhabitem in Domo Dómini omnibus diebus vitæ meæ.

V. Ut videam voluptatem Dómini, & visitem templum ejus. Allelúja, allelúja. **V. Beati** qui habitant in Domo tua Dómine, in sæcula sæculorum laudabunt te. Allelúja.

Sequentia sancti Evangelij secundum
Lucam. **Luc. 1.**

In illo tempore: Missus est Angelus Gabríel à Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David, & nomen Virginis Maria. Et ingressus Angelus ad eam, dixit: Ave, gratia plena: Dóminus tecum: Benedicta tu in mulieribus. Quæ, cum audisset, turbata est in fermone ejus, & cogitabat, qualis esset ista salutatio. Et ait Angelus ei: ne timeas, Maria; invenisti enim gratiam apud Deum: ecce concipies in útero, & paries filium, & vocabis nomen ejus Jesum. Hic erit magnus, & Filius Altissimi vocabitur, & dabit illi Dóminus Deus sedem David patris ejus: & regnabit in domo Jacob in ætèrnum, & regni ejus non erit finis. Dixit autem Maria ad Angelum: Quomodo fiet istud, quoniam virum non cognosco? Et respondens Angelus, dixit ei: Spiritus sanctus superveniet in te, & virtus Altissimi obumbrabit tibi, ideoque, & quod nascetur ex te Sanctum, vocabitur Filius Dei. Et ecce Elisabeth cognata tua, & ipsa concepit filium in senectute sua: & hic mensis

sextus est illi, quæ vocatur stérilis: quia non erit impossibile apud Deum omne verbum. Dixit autem Maria: Ecce ancilla Dómini, fiat mihi secundum verbum tuum. **Credo.**

Offertorium. Introibo in Domum tuam, adorabo ad templum sanctum tuum, & confitebor nómini tuo.

Secreta.

Accipe, quæsumus Dómine, múnera in hac sacra Domo dignanter oblata: & beatæ Mariæ Virginis suffragantibus méritis, ad nostræ salutis auxilium provenire concede. Per Dóminum nostrum.

Præfatio. Et te in festivitate beatæ Mariæ semper Virginis.

Communio. Beatus qui audit me, & qui vigilat ad fores meas quotidie, & observat ad postes ostii mei. Qui me invenerit, inveniet vitam, & hauriet salutem à Dómino.

Postcommunio.

Quæsumus Dómine Deus noster, ut sacrosancta mysteria, quæ pro reparationis nostræ munimine contulisti; intercedente beata Maria semper Virgine, & præsens nobis remedium esse facias, & futurum. Per Dóminum nostrum.

Die XVIII. Decembris.

IN FESTO

Expectationis Partûs B. V. MARIE
Missæ, ut in fine Missal.

FESTA JANUARI.

Die XXI. Januarii.

IN FESTO

S. AGNETIS Virg. & Martyris.
Missæ, ut in Missal.

Die XXIII. Januarii.

IN FESTO

Desponsationis B. V. MARIE.
Missæ, ut in fine Missal. cum. com.

Die XXIII. Januarii.

IN FESTO

S. Joannis Eleemosinarii Episc. Conf.
in Dioeces. Plorens. Missa: Statuit. ex
Commun. Conf. Pont.

Oratio.

DEus, qui B. Joannem Eleemosinarium Confessorem Pontificem tuum sanctarum Eleemosynarum erogatorem constituisti, donisque temporalibus cumulatum, ad pauperum tuorum consolationem, deficere nuaquam promisisti, concede propitius, ut cujus merita hodierna die recolimus, ejus imitatione presentium, futurorumque bonorum dona, te adjuvante consequi mereamur. Per Dominum.

FESTA FEBRUARII.

Die I. Februarii.

IN FESTO

S. Brigidae Virginis.

Introitus. Psalm. 44.

Dilexisti justitiam, & odisti iniquitatem: propterea unxit te Deus, Deus tuus oleo latitiae praefertur confortibus tuis.

Psalm. ibid. Eructavit cor meum verbum bonum: dico ego opera mea Regi. Gloria Patri.

Oratio.

Omnipotens sempiternus Deus, qui es sanctorum gloria virtutum, clementiam tuam supplices exoramus: ut per merita beatae Virginis tuae Brigidae, opportunum tuae pietatis auxilium sentiamus. Per Dominum.

Lectio Epistolae beati Pauli Apostoli ad Corinthios. 2. Cor. 10. d.

Fratres: Qui gloriatur, in Domino gloriatur. Non enim qui seipsum commendat, ille probatus est: sed quem

Deus commendat. Utinam sustineretis modicum quid insipientiae meae, sed & supportate me. Amulor enim vos Dei amulatione. Despondi enim vos uni viro virginem castam exhibere Christo.

Graduale. Psalm. 44. Specie tua, & pulchritudine tua, intende, prospere procede, & regna. Gloria. Propter veritatem, & mansuetudinem, & justitiam: & deducet te mirabiliter dextera tua. Alleluja, alleluja.

Gloria. Haec est virgo sapiens, & una de numero Prudentum. Alleluja.

Post Septuagesimam omisso Alleluja, & Versu sequenti dicitur Tractus. Ibid. Audi filia, & vide, & inclina aurem tuam: quia concupivit Rex speciem tuam. Gloria. Vultum tuum deprecabuntur omnes divites plebis: filiae regum in honore tuo. Gloria. Adducuntur Regi virgines post eam: proxima ejus afferentur tibi. Gloria. Afferentur in letitia & exultatione: adducuntur in templum Regis.

Evangelium. Simile erit regnum caelorum decem virginibus. Ut in Comuni Virginum & Martyrum.

Offertorium. Ibid. Filiae regum in honore tuo, astitit regina a dextris tuis in vestitu deaurato, circumdata varietate.

Secreta.

Munera tibi Domine dicata sanctifica: & intercedente beata Brigida virgine tua, per eadem nos placatus intende. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus.

Communio. Matth. 25. Quinque prudentes virgines acciperunt oleum in vasis suis cum lampadibus: media autem nocte clamor factus est, ecce sponsus venit, exite obviam Christo Domino.

Post-

Postcommunio.

Satiasti, Domine, familiam tuam munere sacris: ejus quosumus semper interventione nos refove, cujus solemnia celebramus. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus.

Die VI. Februarii.

IN FESTO

S. Dorotheae Virg. & Mart.
Missa. Me expectaverunt peccatores. ex
Comuni Virginis & Martyris.

Die VII. Februarii.

IN FESTO

S. Romualdi Abbatis.
Missa. Os Justo meditabitur.
ex Comuni Abbatum.

Die IX. Februarii.

IN FESTO

S. Apolloniae V. M. P. R. P.
Missa: Loquebar de Testimoniis.
ex Comuni Virg. & Mart.

Die XIX. Februarii.

IN FESTO

S. Conradi Placentini Confessoris.
Missa: Justus, ut Palma.
Evangelium. Ecce non reliquimus.

FESTA MARTII.

MISSA

Quinque Vulnerum D.N. Jesu Christi.

Introitus. Philipp. 2.

Humiliavit semetipsum Dominus JESUS Christus usque ad mortem, mortem autem Crucis: propter quod & DEUS exaltavit illum, & donavit illi nomen, quod est super omne nomen.

Psalm. 88. Misericordias Domini in aeternum cantabo, in generationem & generationem. Gloria Patri.

Oratio.

DEus, qui unigeniti Filii tui passione, & per quinque vulnera ejus sanguinis effusione humanam naturam peccato perditam reparasti: tribue nobis, quosumus, ut qui ab eo suscepta vulnera veneramur in terris, ejusdem pretiosissimi sanguinis fructum consequi mereamur in coelis. Per eundem &c. Fit Commemoratio Feriae.

Lectio Zachariae Prophetae. 12.

Haec dicit Dominus: effundam super Domum David, & super habitatores Hierusalem spiritum gratiae, & precum, & aspicient ad me, quem confixerunt: & plangent eum planctu quasi super Unigenitum, & dolerunt super eum, ut doleri solet in morte Primogeniti. In die illa magnus erit planctus in Hierusalem, & dicetur ei: quid sunt plagae istae in medio manuum? Et dicet: His plagatus sum in Domo eorum, qui diligebant me. Frumenta suscitare super Pastorem meum, & super Virum coherentem mihi, dicit Dominus exercituum. Percute Pastorem, & dispergentur Oves: ait Dominus Omnipotens.

Graduale. Psalm. 68.

Imperium expectavit cor meum, & miseriam: & sustinui, qui simul mecum contristaretur, & non fuit; consolantem me quosivi, & non inveni.

Gloria. Dederunt in escam meam fel; & in siti mea potaverunt me aceto.

Tractus. Isai. 53.

Verè languores nostros ipse tulit, & dolores nostros ipse portavit. Gloria. Ernos putavimus eum quasi leprosum, & percussus à Deo, & humiliatum. Gloria. Ipse autem vulneratus est propter iniquitates nostras, attritus est propter scelera nostra. Gloria. Disciplina pacis nostrae super eum, & livore ejus sanati sumus.

B

† Se-

† Sequentia S. Evangelii secundum
Joannem. Cap. 19.

In illo tempore: sciens JESUS, quia omnia consummata sunt, ut consummaretur Scriptura, dixit: Sitio. Vas ergo erat positum aceto plenum. Illi autem spongiam plenam aceto hyssopo circumponentes, obtulerunt ori ejus. Cum ergo accepisset Jesus acetum, dixit: Consummatum est: & inclinato capite tradidit spiritum. Judæi ergo (quoniam pasceve erat) ut non remaneret in Cruce corpora Sabbato (erat enim magnus dies ille Sabbati) rogaverunt Pilatum, ut frangerentur eorum crura, & tollerentur. Venerunt ergo milites: & primi quidem fregērunt crura, & alterius, qui crucifixus est cum eo. Ad JESUM autem cum venissent, ut viderent eum jam mortuum, non fregērunt ejus crura, sed unus militum lancea latus aperuit, & continuo exiit sanguis, & aqua. Et qui vidit, testimonium perhibuit, & verum est testimonium ejus. **Credo**

Offertorium.

Insurrexerunt in me Viri iniqui, absque misericordia quaesierunt me interficere: & non pepercerunt in faciem meam sperere; lanceis suis vulneraverunt me, & concussa sunt omnia ossa mea.

Secreta.

Majestati Tuæ, quaesumus Domine, accepta sint dona, in quibus ipsa Unigeniti Tui vulnera tibi offerimus, nostræ prætia libertatis. Per eundem.

Commemorat. Feriæ.

Præfatio de Cruce.

Communio, Psalm. 25.

Foderunt manus meas, & pedes meos: dinumeraverunt omnia ossa mea.

Postcommunio.

Refecti vitalibus alimoniis quaesumus Domine Deus noster, ut qui vulnera Domini nostri JESU Christi ho-

die devotè colimus, hæc in nostris cordibus impressa, moribus, & vita teneamus. Per eundem.

Commemoratio Feriæ.

In fine dicitur Evangelium Feriæ currentis.

Die I. Martii.

I N F E S T O

S. Albani, Confessoris Pontificis, Duplex in Diocesi Gnesnensi.

Missæ ex Comuni Confessoris Pontificis. Oratio.

Votiva quaesumus Domine nos beati Albani Confessoris tui atque Pontificis natalitia restaurent, & ad omne bonum tuâ gratiâ faciant propensiores. **Per Dominum nostrum.**

Die II. Martii.

I N F E S T O

S. Helenæ Imperatricis Viduæ.

Introitus. Gal. 6.

Mihi autem absit gloriari, nisi in Cruce Domini nostri Jesu Christi, per quem mihi mundus crucifixus est, & ego mundo.

Psalm. 22. Virga tua, & baculus tuus, ipsa me consolata sunt.

Glória Patri. Oratio.

Domine Jesu Christe, qui locum, ubi crux tua latebat, beatae Helenæ revelasti, ut per eam Ecclesiam tuam hoc pretioso thesauro ditares; ejus nobis intercessione concede, ut vitalis ligni pretio, æternæ vitæ præmia consequamur. Qui vivis & regnas &c.

In Quadrages. fit commemor. Fer.

Lectio libri Sapientiae. Prov. c. 31.

Mulierem fortem quis inveniet? ut in Missa, Cognovi. de eodem comuni.

Graduale. Vultum tuum deprecabuntur omnes divites plebis, filia Regum in honore tuo. V. Adducuntur Regi virgines post eam, proximæ ejus affe-

rentur

Postcommunio.

Concede nobis misericors Deus, ut qui salutiferæ Crucis tuæ fructu in terra fumus recreati; per intercessionem beatæ Helenæ eodem jūgiter perfrui mereamur in coelis. Qui vivis & regnas &c.

In Quadrag. commemor. Fer. & ultimum Evang. de eadem.

Die IV. Martii.

I N F E S T O

S. CASIMIRI Confessoris.

Introitus. Psalm. 36.

DS justi meditabitur sapientiam, & lingua ejus loquetur judicium; Lex Dei ejus in corde ipsius.

Psalm. ibid. Noli æmulari in malignantibus: neque zelaveris facientes iniquitatem,

V. Glória Patri.

Oratio.

Deus, qui inter regales delicias & mundi illecebras, sanctum Casimirum virtute constantiæ roborasti: quaesumus, ut ejus intercessione fideles tui terræna despiciant, & cœlestia semper aspirent. Per Dominum nostrum Jesum Christum Filium tuum.

Si venerit in Quadragesima, fit commemoratio Feriæ.

Pro commemoratione S. Lucii, Papæ & Martyris.

Oratio.

Deus, qui nos beati Lucii Martyris tui atque Pontificis annua solemnitate lætificas, concede propitius, ut cujus natalitia colimus, de ejusdem etiam protectione gaudeamus. Per Dominum nostrum Jesum Christum Filium tuum, qui tecum vivit & regnat in unitate Spiritus sancti Deus, per omnia sæcula sæculorum, Amen.

rentur tibi in lætitia, & exultatione: adducuntur in templum Regis.

Tractus. Veni sponta Christi, accipe coronam, ut in eadem Missa.

Sequentia sancti Evangelii secundum Matthæum. cap. 13. f.

In illo tempore: Dixit JESUS discipulis suis parabolam hanc: Simile est regnum cœlorum thesauro abscondito in agro, quem qui invenit homo, abscondit, & præ gaudio illius vadit, & vendit universa, quæ habet, & emit agrum illum. Iterum simile est regnum cœlorum homini negotiatori querenti bonas margaritas. Inventa autem una pretiosa margarita, abiit, & vendidit omnia, quæ habuit, & emit eam. Iterum simile est regnum cœlorum saginæ missæ in mare, & ex omni genere piscium congreganti. Quam, cum impleta esset, educentes, & secus littus sedentes, elegerunt bonos in vasa, malos autem foras miserunt. Sic erit in consummatione sæculi: exibunt Angeli, & separabunt malos de medio justorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: etiam. Ait illis: Ideo omnis scribe doctus in regno cœlorum, similis est homini patrifamilias, qui profert de thesauro suo nova & vetera.

Offertorium. Non enim judicavi me scire aliud, nisi JESUM Christum & hunc Crucifixum.

Secreta.

Per hæc sacra mysteria concede nobis Domine, ut sicut beatæ Helenæ misericorditer tribuisti, ut Filium tuum crucifixum in corde semper gestaret, ita & nos eum in cordibus nostris perpetuo deferamus. Per eundem Dominum nostrum.

In Quadrag. commemor. Feriæ, & Præfatio Quadrag.

Communio. Ascendam in palmam, & apprehendam fructus ejus.

B 2

Lectio

Lectio libri Sapientiae. **Eccli. 31.**

Beatu vir, qui inventus est sine macula, & qui post aurum non abiit nec speravit in pecunia & thesauris. Quis est hic, & laudabimus eum, fecit enim mirabilia in vita sua. Qui probatus est in illo, & perfectus est, erit illi gloria aeterna: qui potuit transgredi, & non est transgressus; facere mala, & non fecit. Ideo stabilita sunt bona illius in Domino, & elemosynas illius enarrabit omnis Ecclesia Sanctorum.

Graduale. Psal. 91. Justus ut palma florebit: sicut cedrus Libani multiplicabitur in domo Domini.

Ps. Ad annuntiandum mane misericordiam tuam, & veritatem tuam per noctem.

Tractus. Psal. 11. Beatus vir, qui timet Dominum: in mandatis eius cupit nimis. **Ps.** Potens in terra erit semen eius: generatio rectorum benedicetur. **Ps.** Gloria & divitiae in domo eius: & iustitia eius manet in saeculum saeculi.

Sequentia sancti Evangelii secundum Lucam. **Lucæ 12. c.**

In illo tempore: Dixit Jesus discipulis suis: Sint lumbi vestri praecincti, & lucernae ardentes in manibus vestris, & vos similes hominibus expectantibus dominum suum, quando revertatur a nuptiis; ut, cum venerit & pulsaverit, confestim aperiant ei. Beati servi illi, quos, cum venerit Dominus, invenerit vigilantes: amen dico vobis, quod praecinet se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, & non timeret perfodi domum suam. Et vos estote parati; quia qua hora non putatis, Filius hominis veniet. **Credo.**

Offertorium. Psal. 88. Veritas mea:

& misericordia cum ipso: & in nomine meo exaltabitur cornu ejus.

Secreta.

Laudis tibi, Domine, hostias immolamus in tuorum commemoratione Sanctorum, quibus nos & praesentibus exui malis confidimus, & futuris. Per Dominum nostrum.

Pro S. Lucio.

Secreta.

Munera tibi, Domine, dicata sanctifica: & intercedente beato Lucio Martyre tuo, atque Pontifice, per eadem nos placatus intende. Per Dominum nostrum Jesum Christum.

Communio. Matth. 24. Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum.

Postcommunio.

Refecti cibo potuque caelesti Deus noster, te supplices exoramus: ut in cujus hac commemoratione percipimus, ejus muniamur, & precibus. Per Dominum nostrum.

Pro S. Lucio.

Postcommunio.

Hec nos Communitio Domine purget a crimine: & intercedente beato Lucio Martyre tuo atque Pontifice, caelestis remedii faciat esse confortes. Per Dominum.

Die V. Martii.

I N F E S T O

Translationis S. Venceslai Martyris:

Introitus. Psal. 63.

Laudabitur justus in Domino, & sperabit in eo: & laudabuntur omnes recti corde.

Psalm. ibid. Gaudei Deus orationem meam cum deprecor: a timore inimici eripe animam meam.

Ps. Gloria Patri.

Ora-

Graduale. Psalm. 33. Timeate Dominum omnes Sancti ejus: quoniam nihil deest timentibus eum.

Ps. Inquirentes autem Dominum non deficient omni bono. Alleluja, alleluja.

Ps. Venite ad me omnes, qui laboratis & onerati estis, & ego reficiam vos. Alleluja.

† Sequentia S. Evangelii secundum Matthaeum. **Matth. 5.**

In illo tempore: Videns JESUS turbas, ascendit in montem, & cum sedisset, accerserunt ad eum discipuli ejus, & apertis os suum docebat eos, dicens: Beati pauperes spiritu: quoniam ipsorum est regnum caelorum. Beati mites: quoniam ipsi possidebunt terram. Beati, qui lugent: quoniam ipsi consolabuntur. Beati, qui esuriunt & sitiunt iustitiam: quoniam ipsi saturabuntur. Beati misericordes: quoniam ipsi misericordiam consequentur. Beati mundo corde: quoniam ipsi Deum videbunt. Beati pacifici: quoniam filii DEI vocabuntur. Beati qui persecutionem patiuntur propter iustitiam: quoniam ipsorum est regnum caelorum. Beati estis, cum maledixerint vobis homines, & persecuti vos fuerint, & dixerint omne malum adversum vos, mentientes, propter me: gaudete, & exultate, quoniam merces vestra copiosa est in caelis. **Credo.**

Offertorium. Sap. 3. Justorum animae in manu DEI sunt, & non tanget illos tormentum malitiae: visi sunt oculis insipientium mori, illi autem sunt in pace.

Secreta.

Munera tibi, Domine, nostrae devotionis offerimus: quae & pro cunctis tibi grata sint honore justorum, & nobis salutaria, te miserante reddantur. Per Dominum nostrum.

Communio. Matth. 5. Beati mundo corde, quoniam ipsi Deum videbunt:

beati pacifici, quoniam filii DEI vocabuntur: beati, qui persecutionem patiuntur propter iustitiam, quoniam ipsorum est regnum caelorum.

Postcommunio.

DA, quaesumus Domine DEUS noster: ut sicut tuorum commemoratione Sanctorum, temporali gratulamur officio; ita perpetuo laetemur aspectu. Per Dominum nostrum.

Die XV. Julii.

I N F E S T O
Sancti DAVIDIS Abbatis.

Introitus. Psal. 36.



S justus meditabitur sapientiam, & lingua ejus loquetur iudicium: lex DEI ejus in corde ipsius.

Psalm. ibid. Noli aemulari in malignantibus: neque zelaveris facientes iniquitatem.

Ps. Gloria Patri.

Oratio.

Intercessio nos, quaesumus Domine, beati Davidis Abbatis commendet: ut quod nostris meritis non valemus, ejus patrocinio assequamur. Per Dominum.

Lectio Libri Sapientiae. **Eccles. 45.**

Dilectus DEO & hominibus, cujus memoria in benedictione est. Similem illum fecit in gloria Sanctorum, & magnificavit eum in timore inimicorum, & in verbis suis monstra placavit. Glorificavit illum in conspectu Regum, & iussit illi coram populo suo, & ostendit illi gloriam suam. In fide & lenitate ipsius sanctum fecit illum, & elegit eum ex omni carne. Audivit enim eum, & vocem ipsius, & induxit illum in nubem. Et dedit illi coram praecipua, & legem vitae & disciplinae.

Graduale. Psalm. 20. Domine, pra-

C

venisti

venisti eum in benedictionibus dulcedinis: posuisti in capite ejus coronam de lapide pretioso.

V. Vitam petiit a te, & tribuisti ei longitudinem dierum in seculum seculi. Alleluja, alleluja.

V. Psalm. 91. Justus, ut palma florebit: sicut cedrus Libani multiplicabitur. Alleluja.

† Sequentia S. Evangelii secundum Matthæum. **Matth. 19. d.**

IN illo tempore: Dixit Petrus ad JESUM: Ecce nos reliquimus omnia, & secuti sumus te: quid ergo erit nobis? JESUS autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede majestatis suae, sedebitis & vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam aeternam possidebit.

Offertorium. Psalm. 20. Desiderium animae ejus tribuisti ei Domine, & voluntate labiorum ejus non fraudasti eum: posuisti in capite ejus coronam de lapide pretioso.

Secreta.

Sacris altaribus, Domine, hostias superpositas sanctus David Abbas, quaesumus, in salutem nobis provenire deponat. Per Dominum.

Communio. Lucae 12. Fidelis servus & prudens, quem constituit Dominus super familiam suam: ut det illis in tempore tritici mensuram.

Postcommunio.

Protegat nos, Domine, cum tui perceptione sacramenti beatus David Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum nostrum.

Die XVIII. Julii.

I N F E S T O
Sancti Botuidi Martyris.

Introitus. Psalm. 36.



Letabitur justus in Domino, & sperabit in eo: & laudabuntur omnes recti corde.

Psalm. ibid. Exaudi DEUS orationem meam, cum deprecor: a timore inimici eripe animam meam.

V. Gloria Patri.

Oratio.

Cordibus nostris, quaesumus Domine, verae fidei splendor illuceat: & beati Botuidi Martyris tui salutaris intercessio ab instantibus periculis nos defendat. Per Dominum.

Lectio Epistolae beati Pauli Apostoli ad Timotheum. 2. Tim. 2.

Charissime, memor esto Dominum JESUM Christum resurrexisse a mortuis ex semine David, secundum Evangelium meum, in quo laboro usque ad vincula, quasi male operans: sed verbum DEI non est alligatum. Ideo omnia sustineo propter electos: ut & ipsi salutem consequantur, quae est in Christo Jesu, cum gloria caelesti. Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passiones: qualia mihi facta sunt Antiochiae, Iconij, & Lystris: quales persecutiones sustinui, & ex omnibus eripuit me Dominus. Et omnes, qui pie volunt vivere, in Christo Jesu, persecutionem patientur.

Graduale. Psalm. 36. Justus cum ceciderit, non collidetur; quia Dominus supponit manum suam.

V. Tota die miseretur, & commodat: & semen ejus in benedictione erit. Alleluja, alleluja.

V. Qui

V. Qui sequitur me, non ambulat in tenebris, sed habebit lumen vitae aeternae. Alleluja.

† Sequentia S. Evangelii secundum Joannem. **Joan. 12. d.**

IN illo tempore: Dixit JESUS discipulis suis: Amen, amen dico vobis, nisi granum frumenti cadens in terram, mortuum fuerit, ipsum solum manet. Si autem mortuum fuerit, multum fructum affert: Qui amat animam suam, perdet eam: & qui odit animam suam in hoc mundo, in vitam aeternam custodit eam. Si quis mihi ministrat, me sequatur: & ubi sum ego, illic & minister meus erit. Si quis mihi ministraverit, honorificabit eum Pater meus.

Offertorium. Psalm. 20. Posuisti Domine in capite ejus coronam de lapide pretioso: vitam petiit a te, & tribuisti ei. Alleluja.

Secreta.

Accepta sit in conspectu tuo, Domine, nostra devotio: & ejus nobis fiat supplicatione salutaris, pro cuius solemnitate defertur. Per Dominum nostrum.

Communio. Joan. 12. Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris sacri, quaesumus Domine Deus noster, ut cuius exequimur cultum, intercedente beato Botuido Martyre tuo, sentiamus effectum. Per Dominum

Die XXI. Julii.

I N F E S T O
S. Olavi Regis & Martyris.

Introitus. Psalm. 20.



In virtute tua, Domine, letabitur justus: & super salutare tuum exultabit vehementer: desiderium animae ejus tribuisti ei.

Psalm. ibid. Quoniam prevenisti eum in benedictionibus dulcedinis: posuisti in capite ejus coronam de lapide pretioso. **V.** Gloria Patri.

Oratio.

DEUS, qui es Regum corona, & Martyrum victoria: tribue nobis, quaesumus, beati Olavi Regis & Martyris tui, pia apud te experiri patrocinia: ut per tuam, quam in ejus passione glorificamus magnificentiam, coronam vitae diligentibus te percipiamus repositam. Per Dominum nostrum.

Lectio Libri Sapientiae. Sap. 10. b.

Justum deduxit Dominus per vias rectas, & ostendit illi Regnum Dei, & dedit illi scientiam Sanctorum: honestavit illum in laboribus & complevit labores illius. In fraude circumventium illum, affuit illi: & honestum fecit illum. Custodivit illum ab inimicis, & a seductoribus tutavit illum, & certamen forte dedit illi, ut vinceret, & sciret, quoniam omnium potentior est sapientia. Haec venditum justum non dereliquit, sed a peccatoribus liberavit eum: descenditque cum illo in foveam, & in vinculis non dereliquit illum, donec afferret illi sceptrum regni, & potentiam adversus eos, qui eum deprimebant: & mendaces ostendit, qui maculaverunt illum, & dedit illi claritatem aeternam, Dominus Deus noster.

Graduale. Psalm. 111. Beatus vir, qui timet Dominum: in mandatis ejus cupit nimis.

V. Potens in terra erit semen ejus: generatio rectorum benedicetur. Alleluja, alleluja.

V. Posuisti Domine super caput ejus coronam de lapide pretioso. Alleluja.

† Sequentia S. Evangelii secundum Matthæum. **Matth. 16. d.**

IN illo tempore: Dixit JESUS discipulis suis: Si quis vult post me venire, abneget semetipsum, & tollat crucem

suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Offertorium. Psal. 8. Gloria & honore coronasti eum: & constituisti eum super opera manuum tuarum Domine.

Secreta.

Muneribus nostris, quæsumus Domine, precibusque susceptis, & cœlestibus nos munda mysteriis, & clementer exaudi. Per Dominum nostrum.

Communio. Matth. 16. Qui vult venire post me, abneget semetipsum: & tollat crucem suam, & sequatur me.

Postcommunio.

DA, quæsumus Domine Deus noster ut sicut tuorum commemoratiōe Sanctorum, temporali gratulamur officio; ita perpetuo latemur aspectu. Per Dominum nostrum Jesum Christum Filium tuum: qui tecum vivit & regnat in unitate Spiritus sancti Deus.

Die XXXI. Julii.

I N F E S T O
S. Helenæ Viduæ & Martyris.

Introitus. Psal. 118.

ME expectaverunt peccatores, ut perderent me: testimonia tua Domine intellexi, omnis consummationis vidi finem: latum mandatum tuum nimis.

Psalm. ibid. Beati immaculati in via: qui ambulant in lege Domini.

V. Gloria Patri.

Oratio.

Largire nobis, quæsumus clementissime Deus, intercessione beatae Helenæ Martyris tuæ veniam nostrorum peccatorum: & quos ejus concedis sollemniter gloriari, da ejus precibus gloriosis cœlitus adjuvari. Per Dominum.

Lectio Libri Sapientiae. Prov. 31. b.

Mulierem fortem quis inveniet? procul, & de ultimis finibus pretium ejus. Confidit in ea cor viri sui, & spoliis non indigebit, Reddet ei bonum, & non malum, omnibus diebus vitæ suæ. Quæsit lanam & linum, & operata est consilio manuum suarum. Facta est quasi navis institoris, de longe portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum: & emit eum: de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit & vidit, quia bona est negotiatio ejus: non extinguetur in nocte lucerna ejus. Manum suam misit ad fortia, & digiti ejus apprehenderunt fusum. Manum suam aperuit inopi, & palmas suas extendit ad pauperem. Non timebit domui suæ à frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando sederit cum senatoribus terræ. Sindonem fecit, & vendidit, & cingulum tradidit Chanaanæo. Fortitudo & decor indumentum ejus, & ridebit in die novissimo. Os suum aperuit sapientiæ: & lex clementiæ in lingua ejus. Consideravit semitas domus suæ, & panem otiosa non comedit. Surrexerunt filii ejus, & beatissimam prædicaverunt, vir ejus, & laudavit eam. Multæ filia congregaverunt divitias: tu supergressa es universas. Fallax gratia, & vana est pulchritudo: mulier timens Dominum, ipsa

lau-

Oratio.

Deus, qui beati Venceslái nobilitatem in meliorem mutasti dignitatem, & cum per Martyrii palmam ad cœlestem perduxisti gloriam: ejus precibus nos, quæsumus ab omni adversitate libera & æternæ beatitudinis concede perfrui gloria. Per Dominum.

Lectio Epistolæ beati Petri Apostoli.

1. Petr. 4. c.

Charissimi, Communicantes Christi passionibus gaudete, ut & in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ, & virtutis Dei, & qui est ejus Spiritus, super vos requiescit. Nemo autem vestrum patiatur ut homicida, aut fur, aut maledicus; aut alienorum appetitor. Si autem ut Christianus, non erubescat: glorificet autem Deum in isto nomine. Quoniam tempus est, ut incipiat iudicium à domo Dei. Si autem primum à nobis: qui non credunt Dei Evangelio? Et si justus vix salvabitur, impius & peccator ubi parerunt? Itaque & hi, qui patiuntur secundum voluntatem Dei, fidelium Creatoris commendent animas suas in benefactis.

Graduale. Psal. 36. Justus cum ceciderit, non collidetur: quia Dominus supponit manum suam. **V.** Tota die miseretur, & commodat: & semen ejus in benedictione erit.

Traetus. Psal. 111. Beatus vir, qui timet Dominum: in mandatis ejus cupit nimis. **V.** Potens in terra erit semen ejus: generatio rectorum benedicetur. **V.** Gloria & divitiæ in domo ejus: & justitia ejus manet in sæculum sæculi.

Sequentia sancti Evangelii secundum Matthæum. Matth. 16.

In illo tempore: Dixit Jesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim

voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus. **Credo.**

Offertorium. Psal. 20. Posuisti Domine super caput ejus coronam de lapide pretioso: vitam petiit à te, & tribuisti ei. **Secreta.**

Accepta sit in conspectu tuo, Domine, nostra devotio: & ejus nobis fiat supplicatione salutaris, per Dominum nostrum Jesum Christum Filium tuum.

Communio. Joan. 12. Qui mihi ministrat, me sequatur; & ubi sum ego, illic & minister meus erit.

Postcommunio.

Refecti participatione muneris sacri quæsumus Domine DEUS noster: ut cujus exequimur cultum intercedente beato Venceslao martyre tuo, sentiamus effectum. Per Dominum nostrum Jesum Christum Filium tuum. Qui tecum vivit & regnat in unitate Spiritus sancti DEUS.

Die IX. Martii.

I N F E S T O
SS. Cyrilli, & Methodii Confessorum
& Pont. P. R. P.

Introitus. Psal. 131.

Sacerdotes tui, Domine, induant justitiam: & Sancti tui exultent: propter David servum tuum, non avertas faciem Christi tui.

Psalmus. Memento Domine David, & omnis mansuetudinis ejus.

V. Gloria Patri.

C

Oratio.

Oratio.

OMnipotens sempiternè Deus, qui nos per beatos Pontifices & Confessores tuos Cyrillum & Methodium ad unitatem fidei Christianæ vocare dignatus es, præsta quæsumus, ut, qui præsentis eorum festivitæ lætâmur, ipsorum etiam meritis gloriâ consequi mereamur æternam. Per Dominum nostrum Jesum Christum Filium tuum: Qui tecum vivit & regnat in unitate Spiritûs sancti Deus.

Epistola. Plures facti sunt Sacerdotes. ut in **Communi Confessoris Pontificis.**

Graduale. Psalm. 25. Sacerdotes ejus induam salutari: & Sancti ejus exultatione exultabunt. **V.** Illuc producam cornu David, paravi lucernam Christo meo.

Tractus. Qui seminant in lacrymis, in gaudio metent. **V.** Euntes ibant & flebant, mittentes semina sua.

V. Venientes autem venient cum exultatione, portantes manipulos suos.

Evangelium. Vigilate, quia nescitis, qua hora. **de eodem Comm.**

Offertorium. Psalm. 67. Mirabilis Deus in Sanctis suis: Deus Israel, ipse dabit virtutem & fortitudinem plebi suæ: benedictus DEUS.

Secreta.

Oblatis, quæsumus, Domine placare muneribus: & intercedentibus sanctis tuis Cyrillo & Methodio à cunctis nos defende periculis. Per Dominum.

Communio. Psalm. 67. Quod dico vobis in tenebris, dicite in lumine, dicit Dominus: & quod in aure auditis, prædicatè super tecta.

Postcommunio.

Præsta nobis, quæsumus, Domine. intercedentibus sanctis Confessoribus tuis Cyrillo & Methodio, ut,

quod ore contingimus, pura mente capiamus. Per Dominum nostrum Jesum Christum Filium tuum: Qui tecum vivit & regnat.

IN FESTO

S. CATHARINÆ Bononiens. Virg.
Missa: Dilexisti. ex **Comm. Virg.**

FESTA APRILIS.

Die XXIII. Aprilis.

IN FESTO

S. ADALBERTI Episcopi & Martyris,
Regniq; Poloniae Patroni.

Introitus. Psalm. 63.

Proteristi me DEUS à conventu malignantium, allelûja: à multitudinè operantium iniquitatem, Allelûja, allelûja.

Psalm. ibid. Exaudi Deus orationem meam cum deprecor: à timore inimici eripe animam meam. **V.** Gloria Patri.

Oratio.

Tuam nobis indulgentiam quæsumus Domine beatus Adalbertus Episcopus & Martyr impleret: ut & delicta nobis clementer ignoscas, & beneficia desiderata concedas. Per Dominum nostrum Jesum Christum Filium tuum: Qui tecum vivit & regnat in unitate Spiritûs sancti Deus.

Lectio Epistolæ beati Pauli Apostoli ad Hebræos **Heb. 5:**

Fratres, omnis Pontifex ex hominibus assumptus pro hominibus constituitur in iis, quæ sunt ad Deum, ut offerat dona, & sacrificia pro peccatis: qui condolere possit iis, qui ignorant, & errant: quoniam & ipse circumdatus est infirmitate: & propterea debet, quemadmodum pro po-

pulo

pulo, ita etiam & pro semetipso offerre pro peccatis. Nec quisquam sumit sibi honorem, sed qui vocatur à DEO tamquam Aaron. Sic & Christus non semetipsum clarificavit ut Pontifex fieret: sed qui locutus est ad eum: Filius meus es tu, ego hodie genui te. Quemadmodum & in alio loco dicitur: Tu es Sacerdos in æternum, secundum ordinem Melchisedech.

Allelûja, allelûja. V. Surrexit Pastor bonus, qui posuit animam suam pro ovibus suis, & pro grege suo mori dignatus est, allelûja. **V.** Posuisti Domine super caput ejus coronam de lapide pretioso, allelûja.

Sequentia sancti Evangelii secundum Joannem. **Joan. 10.**

In illo tempore: Dixit Jesus Pharisæis: ego sum Pastor bonus. Bonus Pastor animam suam dat pro ovibus suis. Mercenarius autem, & qui non est Pastor, cujus non sunt oves propriæ, videt lupum venientem, & dimittit oves, & fugit: & lupus rapit, & dispergit oves: mercenarius autem fugit, quia mercenarius est, & non pertinet ad eum de ovibus. Ego sum Pastor bonus: & cognosco meas: & cognoscunt me meæ. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus Pastor. **Credo.**

Offertorium. Psalm. 20. Posuisti Domine in capite ejus coronam de lapide pretioso; vitam petiit à te, & tribuisti ei. Allelûja.

Secreta.

Sacrificium exhibitum, quæsumus, Domine, benignus assume: ut quod nomini tuo in solemnitate beati Adalberti Martyris tui atque Pontificis deferimus, nobis profit ad veniam. Per Dominum nostrum Jesum Christum.

Communio. Joan. 10. Ego sum Pastor bonus, allelûja: & cognosco oves meas, & cognoscunt me meæ, allelûja, allelûja.

Postcommunio.

Refecti Domine muneribus sacris, supplices te deprecamur; ut indulgentiam tuam nobis intercessio beati Adalberti Martyris tui atque Pontificis semper impleret. Per Dominum nostrum.

Die XXIV. Aprilis.

IN FESTO

S. GEORGII Martyris.

Missa: Protexisti. ut in **Missa.**

Dominica 2. post Pascha.

IN FESTO

Sanctissimi Sepulchri D. N.

JESU CHRISTI.

Introitus. Isaia c. 11.

In illa die erit radix Jesse, qui stat in signum populorum, ipsum gentes deprecabuntur. Allelûja, & erit sepulchrum ejus gloriosum, Allelûja.

Psalm. 45. Fluminis impetus lætificat civitatem DEI, sanctificavit tabernaculum suum Altissimus. **V.** Gloria Patri &c. In illa die.

Oratio.

Domine JESU Christe, qui pro nobis mortem subire, & in Sepulchro depositus tertia die resurgere voluisti, concede famulis tuis, ut qui Sepulchri tui memoriam recolimus, Resurrectionis quoque gloriæ participes esse mereamur. Qui vivis &c.

Lectio Actuum Apostolorum. **c. 13.**

In diebus illis: surgens Paulus & manu silentium indicens ait: Viri fratres filii generis Abraham, & qui in

C 2

vobis

vobis timent Deum, vobis verbum salutis hujus missum est. Qui enim habitabant Jerusalem & principes ejus, ignorantes Jesum & voces Prophetarum, quæ per omne Sabbathum leguntur, judicantes impleverunt: & nullam causam mortis inveniētes in eo petierunt à Pilato, ut interficerent eum. Cùmque consummasset omnia, quæ de eo scripta erant, deponētes eum de ligno, posuerunt eum in monumento. Deus verò suscitavit eum à mortuis tertiâ die; qui visus est per multos dies his, qui simul ascēderant cum eo de Galilæa in Jerusalem: qui usque nunc sunt testes ejus ad plebem.

Graduale. Job. 13. Qui expectant mortem & non venit, quasi effodientes thesaurum, gaudentque vehementer, cum invenerint Sepulchrum. Allelûja, allelûja.

Joan. 20. Currēbant duo simul, & ille alius Discipulus præcurrit citius Petro, & venit prior ad monumentum. Allelûja.

Sequentia sancti Evangelii secundum Lucam. **Luc. 24.**

UNa Sabbathi valdè diluculo venerunt mulieres ad monumentum, portantes, quæ paraverunt aromata, & invenerunt lapidem revolutum, à monumento, & ingressæ non invenerunt Corpus Domini JESU. Et factum est, dum mente consternatæ essent de isto, ecce duo viri steterunt secus illas in veste fulgenti. Cum timerent autem & declinarent vultum in terram, dixerunt ad illas, quid queritis? Viventem cum mortuis? Non est hic, sed surrexit. Recordamini qualiter locutus est vobis, cum adhuc in Galilæa esset dicens: Quia oportet Filium hominis tradi in manus hominum peccatorum & crucifigi & die tertiâ resurgere. Et recordatæ sunt verborum ejus, & regressæ à monumento, nuntiaverunt hæc omnia illis undecim & cæteris omnibus. Erat au-

tem Maria Magdalene, & Joāna, & Maria Jacobi, & cæteræ, quæ cum eis erant. quæ dicebant ad Apóstolos hæc: Et visa sunt ante illos sicut deliramentum, verba ista, & non crediderunt illis. Petrus autem surgens, cucurrit ad monumentum, & procumbens vidit linteamina sola posita & abiit secum mirans, quod factum fuerat. **Credo.**

Offertorium. Psalm. 41. Transibo in locum Tabernaculi admirabilis usque ad domum DEI, Allelûja.

Secreta.

DEUS, qui per depositionem sanctissimi Corporis Filii tui in Sepulchro, idem Sepulchrum sanctificasti, concede quæsumus, ut in hoc Sepulchro animâ & corde habitemus, per eundem.

Communio. Sap. 9. Beatus qui audit me & qui vigilat ad fores meas quotidie, & observat ad postes ostii mei, allelûja.

Postcommunio.

DEUS, qui nos sancti Sepulchri Filii tui lætari facis honore: præsta quæsumus, ut in eodem sepulchro moriamur, & tibi soli vivamus, per eundem.

Dominica 3. post Pascha.

Missa de Patrocinio Sancti JOSEPH.

Introitus. Psal. 32.



Adjuutor, & protector noster est Dominus: in eo lætabitur cor nostrum, & in nomine sancto ejus speravimus. Allelûja, allelûja.

Psalm. 79. Qui Regis Israel, intende: Qui deducis velut ovem, Joseph.

V. Gloria Patri.

Oratio.

DEUS, qui ineffabili providentiâ Beatum Joseph Sanctissimæ Ge-

nitricis.

nitricis, tuæ Sponsum eligere dignatus es: præsta, quæsumus, ut quem Protectorem veneramur in terris, intercessorem habere mereamur in coelis. Qui vivis & regnas &c.

Deinde fit commemor. Dominica tertiæ.

Oratio.

DEUS, qui errantibus, ut in viam possint redire justitiæ, veritatis tuæ lumen ostendis: da cunctis, qui Christiana professione censentur, & illa respicere, quæ huic inimica sunt Nômini, & ea, quæ sunt apta sectari. Per Dominum nostrum.

Lectio Libri Genesim. cap. 49.

Filius accrescens Joseph, filius accrescens, & decorus aspectu: filia discurrerunt super murum. Sed exasperaverunt eum, & jurgati sunt, invideruntque illi habentes jacula. Sedit in forti arcus ejus, & dissoluta sunt vincula brachiorum, & manuum illius per manus potentis Jacob: inde Pastor egressus est, lapis Israel. Deus patris tui erit Adjutor tuus, & Omnipotens benedicet tibi benedictionibus cæli desuper, benedictionibus abyssi jacentis deorsum, benedictionibus uberum, & vulvæ. Benedictiones patris tui confortatæ sunt benedictionibus patrum ejus, donec veniret desiderium cœli æternorum. Fiant in capite Joseph, & in vertice Nazaræi inter fratres suos. Allelûja, allelûja.

V. De quacumque tribulatione clamaverint ad me, exaudiam eos: & ero Protector eorum semper. Allelûja.

V. Fac nos innocuam, Joseph, decurrere vitam, sitque tuo semper tuta Patrocinio. Allelûja.

† Sequentia sancti Evangelii secundum Lucam. **Luc. 3.**

In illo tempore: Factum est autem, cum baptizaretur omnis populus:

& Jesu baptizato, & orante apertum est coelum, & descendit Spiritus Sanctus corporali specie sicut columba in ipsum; & vox de coelo facta est: Tu es Filius meus dilectus, in te complacui mihi. Et ipse JESUS erat incipiens quasi annorum triginta, ut putabatur, Filius Joseph.

Credo.

Offertorium. Psal. 147. Lauda Jerusalem Dominum: quoniam confortavit seras portarum tuarum; benedixi filiis tuis in te. Allelûja, allelûja.

Secreta.

Sanctissimæ Genitricis Sponsi Patrocinio suffulti rogamus Domine clementiam tuam, ut corda nostra facias terræna cuncta despiciere, ac te verum Deum perfectæ charitate diligere. Qui vivis &c.

Pro Dominica.

Secreta.

His nobis, Domine, Mysteriis conferatur, quo terræna desideria mitigantes, discamus amare cœlestia. Per Dominum nostrum.

Communio.

Jacob autem genuit Joseph Virum Mariæ: de qua natus est JESUS, qui vocatur Christus. Allelûja, allelûja.

Postcommunio.

Divini muneris fonte refecti, quæsumus, Domine DEUS noster; ut sicut nos facis Beati Joseph protectione gaudere, ita ejus meritis, & intercessione cœlestis gloriæ facias esse participes. Per Dominum.

Pro Dominica.

Postcommunio.

Sacramenta, quæ sumpsimus, quæsumus Domine, & spiritalibus nos instaurent alimentis, & corporalibus tueantur auxiliis. Per Dominum nostrum.



D.

In

In fine Missæ Evangelium ejusdem
Dominicæ tertiæ.

† Sequentia S. Evangelii secundum
Joannem. Joan. 16.

In illo tempore: Dixit JESUS Disci-
pulis suis: Modicum, & jam non
videbitis me: & iterum modicum, &
videbitis me: quia vado ad Patrem.
Dixerunt ergo ex Discipulis ejus ad in-
vicem: Quid est hoc, quod dicit nobis:
Modicum, & non videbitis me;
& iterum modicum; & videbitis me,
& quia vado ad Patrem? Dicebant ergo:
quid est hoc, quod dicit, Modicum?
nescimus, quid loquitur: Cognovit autem
JESUS, quia volebant eum interrogare,
& dixit eis: De hoc queritis inter vos,
quia dixi: Modicum, & non videbitis me;
& iterum modicum, & videbitis me.
Amen, amen dico vobis, quia plorabitis,
& flebitis vos, Mundus autem gaudet:
vos vero contristabimini, sed tristitia
vestra vertetur in gaudium. Mulier cum
parit, tristitiam habet, quia venit hora
ejus: cum autem pepererit puerum,
jam non meminit pressuræ propter
gaudium: quia natus est homo in mundum.
Et vos igitur nunc quidem tristitiam
habetis, iterum autem videbo vos,
& gaudet cor vestrum, & gaudium
vestrum nemo tollet à vobis.

FESTA MAII

Die II. Maij.

IN FESTO
S. Sigismundi Regis & Martyris.

Introitus. Psalm. 63

Protexisti me DEUS
à conventu malignan-
tium, allelúja: à mul-
titudine operantium
iniquitatem, Allelúja,
allelúja.

Psalm. ibid. Exaudi Deus orationem

meam cum deprecor: à timore inimici
eripe animam meam. V. Glória Patri.

Oratio.

DEUS, qui beatum Sigismundum
Regem, temporali & aeterno
diademate cum desiderata Martyrii co-
rona honorare dignatus es: tribue qua-
sumus; ut qui ejus merita veneramur
in terris, ipsius intercessione ab omni-
bus protegámur adversis. Per Dómi-
num nostrum.

Lectio libri Sapientiae. Sap. 5.

Stabant justi in magna constantia
adversus eos, qui se angustiaverunt,
& qui abstulerunt labores eorum. Vi-
dentes turbabuntur timore horribili,
& mirabuntur in subitatione insperatae
salutis, dicentes intra se poenitentiam
agentes, & pra angustia spiritus gemen-
tes: Hi sunt, quos habuimus aliquan-
do in derisum, & in similitudinem im-
propetii. Nos insensati vitam illorum
aestimabamus insaniam, & finem illor-
um sine honore: ecce quomodo com-
putati sunt inter filios Dei, & inter San-
ctos fors illorum est.

Allelúja, allelúja. V. Psal. 88. Con-
fitebuntur caeli mirabilia tua Domine:
etenim veritatem tuam in Ecclesia San-
ctorum. Allelúja.

V. Psalm. 20. Posuisti Domine su-
per caput ejus coronam de lapide pre-
tioso. Allelúja.

† Sequentia sancti Evangelii secundum
Joannem. Joan. 15.

In illo tempore: Dixit JESUS disci-
pulis suis: Ego sum vitis vera: &
Pater meus agricola est. Omnem pal-
mitem in me non ferentem fructum,
tollet eum: & omnem qui fert fru-
ctum, purgabit eum, ut fructum plus
afferat. Jam vos mundi estis propter
sermone[m], quem locutus sum vobis.
Manete in me, & ego in vobis. Sicut
palmes non potest ferre fructum à se-

metipso, nisi manserit in vite: sic nec
vos, nisi in me manseritis. Ego sum vi-
tis, vos palmites: qui manet in me, &
ego in eo, hic fert fructum multum:
quia sine me nihil potestis facere. Si
quis in me non manserit, mittetur for-
as sicut palmes, & arefcet, & colligent
eum, & in ignem mittent, & ardet.
Si manseritis in me, & verba mea in vo-
bis manserint: quodcumque volueritis,
petetis, & fiet vobis. Credo.

Offertorium. Psalm. 88. Confi-
tebuntur caeli mirabilia tua Domine:
etenim veritatem tuam in Ecclesia San-
ctorum. Allelúja.

Secreta.

Concede, quaesumus Rex aeternae
ut hujus sacrificii munus obla-
tum, interventu sancti Sigismundi Re-
gis & Martyris, fragilitatem nostram
ab omni adversitate semper protegat
& muniat. Per Dominum.

Communio. Psalm. 63. Laetabitur
justus in Domino, & sperabit in eo:
& laudabuntur omnes recti corde,
Allelúja. Allelúja.

Postcommunio.

Purificent nos, quaesumus Rex aeternae
ne, tua percepta Sacramenta: &
intercessione beati Sigismundi Regis
& Martyris tui, ab omni malo expia-
tos, tibi nos reddant acceptos. Per
Dominum nostrum.

Die IV. Maij.

IN FESTO
Sancti FLORIANI Martyris.

Introitus. Psalm. 63.

Protexisti me DEUS
à conventu malignan-
tium, allelúja: à mul-
titudine operantium
iniquitatem, Allelúja,
allelúja.

Psalm. ibid. Exaudi DEUS ora-
tionem meam cum deprecor: à timo-

re inimici eripe animam meam. V. Gló-
ria Patri.

Oratio.

DEUS, qui nos beati Floriani Mar-
tyris tui solemnitate laetificas: con-
cede propitius, ut cujus gloriosum
triumphum veneramur in terris, so-
cietatis ejus laetitiam adipisci mereá-
mur in caelis. Per Dóminum.

Lectio libri Sapientiae. Sap. 5.

Stabant justi in magna constantia
adversus eos, qui se angustiaverunt,
& qui abstulerunt labores eorum. Vi-
dentes turbabuntur timore horribili,
& mirabuntur in subitatione insperatae
salutis, dicentes intra se, poenitentiam
agentes, & pra angustia spiritus ge-
mentes: Hi sunt, quos habuimus ali-
quando in derisum, & in similitudinem
impropetii. Nos insensati vitam illorum
aestimabamus insaniam, & finem il-
lorum sine honore: ecce quomodo
computati sunt inter filios Dei, & in-
ter Sanctos fors illorum est.

Allelúja, allelúja. V. Psal. 88. Con-
fitebuntur caeli mirabilia tua Domine:
etenim veritatem tuam in Ecclesia San-
ctorum. Allelúja.

V. Pretiosa in conspectu Domini,
mors Sanctorum ejus, allelúja.

† Sequentia sancti Evangelii secundum
Joannem. Joan. 15.

In illo tempore: Dixit Jesus discipu-
lis suis: Ego sum vitis vera: & Pa-
ter meus agricola est. Omnem palmi-
tem in me non ferentem fructum, tol-
let eum: & omnem qui fert fructum,
purgabit eum, ut fructum plus afferat.
Jam vos mundi estis propter sermo-
nem, quem locutus sum vobis. Manete
in me, & ego in vobis. Sicut palmes
non potest ferre fructum à semetipso,
nisi manserit in vite: sic nec vos, nisi
in me manseritis. Ego sum vitis, vos pal-
mites: qui manet in me, & ego in eo,
hic fert fructum multum: quia sine
me nihil potestis facere. Si quis in me

non manserit, mittetur foras sicut palmes, & arefcet, & colligent eum, & in ignem mittent, & ardet. Si manserit in me, & verba mea in vobis manserint: quodcumque volueritis, petetis, & fiet vobis. **Credo.**

Offertorium. Psalm. 88. Confitebuntur caeli mirabilia tua Domine: etenim veritatem tuam in Ecclesia Sanctorum. Alleluja.

Secreta.

Hanc oblationis Hostiam, quaesumus omnipotens Deus, beati Floriani Martyris tui, digna commendet oratio: qui sancto charitatis tuae devictus amore, propriam sui corporis hostiam in odorem suavitatis tibi obtulit vivam. Per Dominum.

Communio. Psal. 63. Laetabitur justus in Domino, & sperabit in eo: & laudabuntur omnes recti corde, Alleluja, alleluja.

Postcommunio.

Sancta nos, quaesumus, Domine, Sacramenti caelestis participatio, & ob hostium callido tueantur incurfu: & sancto Floriano intercedente, nobis remedia salutis conferant sempiterna. Per Dominum nostrum.

Die VIII. Maij.

IN FESTO
S. Stanislai Episcopi & Martyris,
Regniq[ue] Poloniae Patroni.

Introitus. Psalm. 63.

Proteristi me DEUS a conventu malignantium, alleluja: a multitudine operantium iniquitatem, Alleluja, alleluja.

Psalm. ibid. Exaudi DEUS orationem meam cum deprecor: a timore inimici erie animam meam. **V. Gloria Patri.**

Oratio.

DEUS, pro cuius honore gloriosus Pontifex Stanislaus gladius impiorum occubuit: praesta quaesumus; ut

omnes, qui ejus implorant auxilium, petitionis suae salutarem consequantur effectum. Per Dominum.

Lectio Epistolae beati Pauli Apostoli ad Hebraeos. Heb. 5.

Fratres, omnis Pontifex ex hominibus assumptus, pro hominibus constituitur in iis, quae sunt ad Deum, ut offerat dona, & sacrificia pro peccatis: qui condolere possit iis, qui ignorant, & errant: quoniam & ipse circumdatus est infirmitate: & propterea debet, quemadmodum pro populo, ita etiam & pro semetipso offerre pro peccatis. Nec quisquam sumit sibi honorem, sed qui vocatur a DEO tamquam Aaron. Sic & Christus non semetipsum clarificavit, ut Pontifex fieret: sed qui locutus est ad eum: Filius meus es tu, ego hodie genui te. Quemadmodum & in alio loco dicit: Tu es Sacerdos in aeternum, secundum ordinem Melchisedech.

Alleluja, alleluja. V. Surrexit Pastor bonus, qui posuit animam suam pro ovibus suis, & pro grege suo mori dignatus est, alleluja. V. Psalm. 20. Posuisti Domine super caput ejus coronam de lapide pretioso, alleluja.

Sequentia sancti Evangelii secundum Joannem. Joan. 10.

In illo tempore: Dixit Jesus Pharisaeis: ego sum Pastor bonus. Bonus Pastor animam suam dat pro ovibus suis. Mercenarius autem, & qui non est Pastor, cuius non sunt oves propriae, videt lupum venientem, & dimittit oves, & fugit: & lupus rapit, & dispergit oves: mercenarius autem fugit, quia mercenarius est, & non pertinet ad eum de ovibus. Ego sum Pastor bonus: & cognosco meas: & cognoscunt me meae. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quae non sunt ex hoc ovili: & illas

opor-

oportet me adducere, & vocem meam audient, & fiet unum ovile, & unus Pastor. **Credo.**

Offertorium. Psalm. 20. Posuisti Domine in capite ejus coronam de lapide pretioso; vitam petiit a te, & tribuisti ei. Alleluja.

Secreta.

Munera tibi Domine dicata sanctifica: & intercedente beato Stanislao Martyre tuo atque Pontifice, per eadem nos placatus intende. Per Dominum nostrum.

Communio. Joan. 10. Ego sum Pastor bonus, alleluja: & cognosco oves meas, & cognoscunt me meae, alleluja, alleluja.

Postcommunio.

Haec nos Communio, Domine, purget a crimine: & intercedente beato Stanislao martyre tuo, atque Pontifice, caelestis remedii faciat esse consortes. Per Dominum.

Die XIII. Maij.

IN FESTO
S. Servatii Episcopi, & Confessoris,
pro Diocesi Gnesnensi.

Missa. Statuit. Oratio.

DEUS, qui populo tuo sanctum dedisti Servatium Praedicatorum, concede quaesumus, ut nos tanti Pontificis intercessione, & tuae pietatis defensione, ab omnibus ubique liberemur adversis, & tranquilla prosperitate, in tua jugiter laude laetemur. Per Dominum.

Die XVI. Maij.

IN FESTO
S. Joannis Nepomuceni Martyris.
Duplex.

Missa. Protexisti. De Communi Mart. Temp. Pasch. extra temp. Pasch. Missa. Laetabitur.

Oratio.

DEUS, qui ob invictum beati Joannis Sacramentale silentium nova Ecclesiam tuam martyrii corona decorasti: da nobis ejus intercessione, & exemplo linguam cautè custodire, ac omnia potius mala, quam animae detrimentum in hoc saeculo tolerare. Per Dominum nostrum.

Secreta.

Per hanc tua, Domine, sacra mysteria illo nos charitatis igne accendamus, quo inelytus martyr Joannes eadem peragendo flagrabat. Per Dominum nostrum.

Postcommunio.

Spiritum, Domine, fortitudinis hanc nobis tribuat mensa caelestis, quae beati martyris tui Joannis pro Sacramenti honore tentatam constantiam, jugiter aluit ad victoriam. Per Dominum nostrum &c.

Die XXV. Maij.

In Festo S. Joannis de Prado, Mart.

Oratio.

DEUS, qui contra Machometicam pravitatem B. Joannem Verbi tui Praconem eximium effecisti, concede: ut sicut ipse pro tuae fidei dilatatione martyrii palmam meruit obtinere; sic nos ejus intercessione fidei nostrae praemia consequi mereamur. Per Dominum nostrum &c.

FESTA JUNII

Die III. Junii.

IN FESTO
Sancti Erasmi Episcopi & Martyris,
Tempore Paschali.

Introitus. Psalm. 63.

Proteristi me DEUS a conventu malignantium, alleluja: a multitudine operantium iniquitatem, Alleluja, alleluja.

E

Psalm.

Pfalm. ibid. Exaudi Deus orationem meam cum deprecor: à timóre inimici éripe animam meam. **V.** Glória Patri.

Oratio.

DEUS, cujus virtúte beátus Erásmus Martyr & Póntifex, multa tormentórum génera superávit: fac nos, quæsumus, ejus intercessióne, univér-
sas insidias inimicórum nostrórum visibílium & invisibílium cum gáudio superáre, & in Christo bonis opéribus abundáre. Per Dóminum.

Epístola. Stabunt justi. de Comuni Mart. tempore Paschali. Allelúja, allelúja. **V.** **Pfalm. 88.** Confitebuntur cœli mirabilia tua Dómine: etenim veritatem tuam in Ecclesia Sanctorum. Allelúja.

V. **Pfal. 20.** Posuisti Dómine super caput ejus coronam de lapide pretioso. Allelúja.

Evangelium. Ego sum vitis vera, & Pater meus agricola est. **de eodem Comuni.**

Offertorium. Pfalm. 88. Confitebuntur cœli mirabilia tua Dómine, & veritatem tuam in Ecclesia Sanctorum. Allelúja, allelúja.

Secreta.

Múnera tibi Dómine dicata sanctifica, & intercedente beato Erásmo mártire tuo atque Póntifice, per eadem nos placatus inténde. Per Dóminum nostrum.

Communio. Pfalm. 63. Latábitur justus in Dómino, & sperábit in eo: & laudabuntur omnes recti corde. Allelúja, allelúja.

Postcommunio.

Refécti participatióne múnieris sacri quæsumus Dómine DEUS noster: ut cujus exequimur cultum intercedente beato Erásmo mártire tuo atque Póntifice, sentiámus effectum. Per Dóminum.

Die III. Junii.

IN FESTO

S. Erasmi Episcopi & Martyris, post Pentecosten.

Introitus. Dan. 5.



Sacerdotes DEI benedicite Dóminum: sancti & humiles corde laudate Deum. **Pfal. ibid.** Benedicite omnia ópera Dómini Dómino: laudate & superexaltate eum in sæcula.

V. Glória Patri.**Oratio.**

DEUS, cujus virtúte beátus Erásmus Martyr & Póntifex multa tormentórum génera superávit: fac nos, quæsumus, ejus intercessióne, univér-
sas insidias inimicórum nostrórum visibílium & invisibílium cum gáudio superáre, & in Christo bonis opéribus abundáre. Per Dóminum nostrum.

Lectio Epístolæ beati Pauli Apóstoli ad Corinthios. 2. Cor. 1.

Fratres, Benedictus DEUS & Pater Dómini nostri Jesu Christi, Pater misericordiarum, & Deus totius consolationis, qui consolatur nos in omni tribulatione nostra: ut possimus & ipsi consolari eos, qui in omni pressura sunt, per exhortationem, qua exhortamur & ipsi à Deo. Quoniam sicut abundant passiones Christi in nobis: ita & per Christum abundat consolatio nostra. Sive autem tribulamur pro vestra exhortatione & salute, sive consolamur pro vestra consolatione, sive exhortamur pro vestra exhortatione & salute, quæ operatur tolerantiam earundem passionum, quas & nos patimur: ut spes nostra firma sit pro vobis: scientes, quod, sicut socii passionum estis, sic eritis & consolationis: in Christo Jesu Dómino nostro.

Gra.

Graduale. Pfalm. 8. Glória & honore coronasti eum. **V.** Et constituisti eum super ópera manuum tuarum, Dómine. Allelúja, allelúja. **V.** Hic est Sacerdos, quem coronavit Dóminus. Allelúja.

† Sequéntia S. Evangelii secundum Matthæum. Matth. 16.

In illo tempore: Dixit JESUS discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis: & tunc reddet unicuique secundum ópera ejus.

Offertorium. Pfal. 88. Inveni David servum meum, óleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Múnera tibi Dómine dicata sanctifica: & intercedente beato Erásmo mártire tuo atque Póntifice, per eadem nos placatus inténde. Per Dóminum nostrum.

Communio. Pfalm. 20. Posuisti Dómine in capite ejus coronam de lapide pretioso.

Postcommunio.

Refécti participatióne múnieris sacri, quæsumus Dómine Deus noster: ut cujus exequimur cultum, intercedente beato Erásmo mártire tuo atque Póntifice sentiámus effectum. Per Dóminum nostrum.

Die XVI. Junii.

IN FESTO

S. Benonis Episcopi & Confessoris. **Missa Statuit: ex Commun. Conf. Pont.**

Die XIX. Junii.

IN FESTO

S. Bonifacii Episcopi & Martyris. **Missa Sacerdotes DEI. Oratio. Deus, qui nos. ex Commun. unius Mart.**

Die XXI. Junii.

IN FESTO

S. Aloysii Gonzagæ, Confessoris non Pontific.

Introitus. Pfalm. 8. v. 6.

Minuisti eum paulò minus ab Angelis: glória, & honore coronasti eum.

Pfalm. 148. v. 2. Laudate Dóminum omnes Angeli ejus: laudate eum omnes virtutes ejus.

V. Glória Patri.**Oratio.**

Cælestium donorum distributor DEUS, qui in Angélico Juvene Aloysio miram vitæ innocentiam paricum pœnitentia sociasti; ejus méritis, & precibus concede, ut innocentem non secuti, pœnitentem imitemur. Per Dóminum nostrum.

Lectio libri Sapientia. Eccl. 31. 8.

Beatus vir, qui inventus est sine macula: & qui post aurum non abiit, nec speravit in pecunia, & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi glória æterna. Qui potuit transgredi, & non est transgressus; facere mala, & non fecit: ideo stabilita sunt bona illius in Dómino.

E 2

Gra.

Graduale. Psalm. 70. 5. Dómine spes mea à juventute mea, in te confirmatus sum ex útero; de ventre matris meæ tu es Protéctor meus.

V. Psalm. 40. 13. Me autem propter innocentiam suscepisti, & confirmasti me in conspéctu tuo in ætérnum. Allelúja, allelúja. **V. Psal. 65. 5.** Beatus, quem elegisti, & assumpsisti; inhabitabit in atriis tuis. Allelúja.

† **Sequéntia S. Evangelii secundum Matthæum. Matth. 22. 29.**

IN illo tempore: Respondens Jesus, ait Sadducæis: Erratis, nescientes scripturas, neque virtutem DEI. In resurrectione enim neque nubent, neque nubentur; sed erunt sicut Angeli Dei in cælo. De resurrectione autem mortuorum non legistis, quod dictum est à Deo dicente vobis: Ego sum Deus Abraham, & Deus Isaac, & Deus Jacob? Non est Deus mortuorum, sed viventium. Et audientes turbæ mirabantur in doctrina ejus. Pharisei autem audientes, quod silentium imposuisses Sadducæis, conveniunt in unum; & interrogavit eum unus ex eis legis Doctor, tentans eum: Magister, quod est mandatum magnum in lege? Ait illi JESUS: Diliges Dóminum Deum tuum ex toto corde tuo, & in tota ánima tua, & in tota mente tua. Hoc est máximum, & primum mandatum. Secundum autem simile est huic: Diliges próximum tuum sicut te ipsum. In his duobus mandatis univérſa lex pendet, & Prophétæ.

Credo.

Offertorium. Psalm. 23. 3. Quis ascendet in montem Domini, aut quis stabit in loco sancto ejus? innocens manibus, & mundo corde.

Secreta.

Celesti convivio fac nos, Dómine, nuptiali veste indutos accumbere,

quam B. Aloysii pia præparatio, & juges lacrymæ inæstimabilibus ornabant margaritis. Per Dóminum.

Communio. Psalm. 77. 25. Panem cæli dedit eis: panem Angelorum manducavit homo.

Postcommunio.

Angelorum esca nutritos Angelicis etiam, Dómine, da moribus vivere, & ejus, quem hodie colimus, exemplo in gratiarum semper actione manere. Per Dóminum.

Die XXVII. Junii.

IN FESTO

S. Ladislai, Regis Hungariæ, Confess. Duplex in Dicecesi Vilmensi, Samogit, & Livoniæ

Missa ex xxv. August. Festo S. Ludovici, Confess.

Oratio.

DEUS, qui beatum Regem Ladislauum Confessorem tuum diversis decorasti miraculis, præsta quæsumus, ut ejus suffragantibus meritis, ab omnibus semper muniamur adversis, & gaudiis perfruamur æternis. Per Dóminum.

FESTA JULII

Dominica proxima post Octav. SS. Petri & Pauli.

IN FESTO

B. Joannis de Dukla Confess. P. R. P. Missa: Justus, ut palma. ex Commun. Conf. non Pont.

Oratio.

DEUS, qui Beatum Joannem Confessorem tuum eximie humilitatis & patientiæ donis recreasti, concede propitius, ut ejusdem imitantes exempla, consequamur & præmia. Per Dóminum nostrum Jesum Christum Filium tuum, &c.

Die

Die VII. Julii.

MISSA

In Festo S. Pulcheriæ Virg. Imperatricis.

Introitus. Psalm. 44.



Ultum tuum deprecabuntur omnes divites plebis: adducuntur Regi virgines post eam: proximæ ejus adducuntur tibi in lætitia & exultatione.

Psalm. ibid. Eructavit cor meum verbum bonum: dico ego ópera mea Regi. **V. Gloria Patri.**

Oratio.

DEUS, qui beatam Pulcheriam Virginem tuam singulari castitatis prerogativa decorasti, quique illi ad defendendam Ecclesiam tuam summum Fidei amorem tribuere voluisti; concede, ut ejus intercessione Tibi puris mentibus inhærentes, ab omnium hostium insidiis misericorditer liberemur. Per Dóminum.

Lectio Epistolæ beati Pauli Apóstoli ad Corinthios. 1. Cor. 7. d.

Fratres, de Virginibus præceptum Dómini non habeo: consilium autem do, tamquam misericordiam consecutus à Dómino, ut sim fidelis, existimo ergo hoc bonum esse propter instantem necessitatem: quoniam bonum est homini sic esse. Alligatus es uxori? noli querere solutionem. Solutus es ab uxore? noli querere uxorem. Si autem acciperis uxorem, non peccasti. Et si nupsit virgo, non peccavit. Tribulationem tamen carnis habebunt hujusmodi. Ego autem vobis parco. Hoc itaque dico, fratres, tempus breve est. Reliquum est, ut & qui habent uxores, tamquam non habentes sint.

Graduale. Psalm. 44. Specie tua, & pulchritudine tua: intende, prospere

procède, & regna. **V. Propter veritatem, & mansuetudinem, & justitiam: & deducet te mirabiliter dextera tua. Allelúja, allelúja.**

V. Filia Regum in honore tuo, astitit Regina à dextris tuis in vestitu deaurato, circumdata varietate. Allelúja.

† **Sequéntia S. Evangelii secundum Joannem. Joan. 17. 3.**

IN illo tempore dixit Jesus: hæc est autem vita æterna, ut cognoscant te solum DEUM verum, & quem misisti JESUM Christum. Ego te clarificavi super terram, opus consummavi, quod dedisti mihi, ut faciam. Et nunc clarifica me tu Pater apud te ipsum claritate, quam habui: prius quam mundus esset apud te. Manifestavi nomen tuum hominibus, quos dedisti mihi de mundo: tui erant, & mihi eos dedisti, & sermonem tuum servaverunt. Nunc cognoverunt, quia omnia, quæ dedisti mihi, abs te sunt: quia verba, quæ dedisti mihi, dedi eis, & ipsi acceperunt, & cognoverunt verè, quia à te exivi, & crediderunt, quia tu me misisti.

Offertorium. Judith. 15. 10.

Tu gloria Hierusalem, tu lætitia Israel, tu honorificentia populi nostri; quia fecisti viriliter, & confortatum est cor tuum, eò quod castitatem amaveris.

Secreta.

Accepta tibi sit, Dómine, sacratæ plebis oblatio pro tuorum honore Sanctorum, quorum se meritis de tribulatione percepisse cognoscit auxilium. Per Dóminum.

Communio. Sap. 4. 1.

O quam pulchra est casta generatio cum claritate; immortalis est enim memoria illius: quoniam & apud Deum nota est, & apud homines.

Postcommunio.

Satiasti, Dómine, familiam tuam muncribus sacris: ejus, quæsumus,

F

sem-

semper interventione nos refove, cu-
jus folemnia celebramus. Per Dómi-
num nostrum.

Die IX. Julii.

IN FESTO

SS. Martyrum Gorcomienfium, in Dice-
cefi Pofnaniens. Plocenf. & Var-
miens, ad libit.

Miffa. Intret in confpectu. de Com-
muni Mart.

Die XIII. Julii.

IN FESTO

S. Margaritæ Virginis & Martyris.

Miffa. Me expectaverunt. de Com-
muni Virg. & Martyr.

Die XV. Julii.

IN FESTO

Divisionis Sanctorum Apostolorum.

Introitus. Pfalm. 138.



Mihi autem nimis hono-
rati sunt amici tui
Deus: nimis confor-
tatus est principatus
eorum.

Pfalm. ibid. Dómine
probasti me, & cognovisti me: tu co-
gnovisti sessionem meam, & resurre-
ctionem meam. V. Gloria Patri,

Oratio.

DEUS, qui Ecclesiam tuam distri-
butam per orbem terrarum, fan-
ctorum Apostolorum predicatione fun-
dasti, concede propitius, ut quorum
hodierna die sub una celebritate reco-
limus insignia, eorum in cunctis ne-
cessitatibus nostris experiamur suffragia.
Per Dóminum nostrum JESUM Chri-
stum Filium tuum.

Lectio Epistolæ beati Pauli Apóstoli
ad Ephesios. Ephes. 2. d.

FRatres, jam non estis hospites, &
advena: sed estis cives Sanctorum,

& Domestici Dei: superædificati super
fundamentum Apostolorum, & Pro-
phetarum, ipso summo angulari lapide
Christo Jesu: in quo omnis ædificatio
constructa crescit in templum sanctum
in Dómino, in quo & vos coædificá-
mini in habitaculum Dei in Spíritu
sancto.

Graduale. Pfalm. 44. Constitues eos
principes super omnem terram: mémo-
res erunt nómínis tui Dómine.

V. Pro patribus tuis nati sunt tibi filii:
propterea populi confitebuntur tibi.
Allelúja, allelúja.

V. Joan. 15. Ego vos elégi de mun-
do, ut eatis, & fructum afferatis: &
fructus vester maneat. Allelúja.

† Sequéntia sancti Evangelii secun-
dum Lucam. Luca 9.

IN illo tempore: Convocatis JESUS
duodecim Apóstolis, dedit illis vir-
tutem & potestatem super omnia dæ-
monia, & ut languores curarent. Et
misit illos predicare regnum Dei, &
sanare infirmos. Et ait ad illos: Nihil
tulêritis in via, neque virgam, neque
peram, neque panem, neque pecuniam,
neque duas tunicas habeatis. Et in
quacumque domum intraveritis, ibi
manete, & inde ne exeatis. Et qui-
cumque non receperint vos: exeuntes
de civitate illa etiam pulverem pedum
vestrorum excutite in testimonium su-
pra illos. Egressi autem circuibant
per castella evangelizantes & curantes
ubique.

Credo.

Offertorium. Psal. 13. In omnem
terram exivit sonus eorum: & in fines
orbis terræ verba eorum.

Secreta.

GLoriam, Dómine, Sanctorum
Apostolorum tuorum perpetuam
in eorum divisione recensentes, quæsu-
mus, ut eam sacris mysteriis expiati,

dignius

dignius celebrémus. Per Dóminum
nostrum JESUM Christum.

Prefatio de Apostolis.

Communio. Matth. 19. Vos, qui
secuti estis me, sedebitis super sedes,
judicantes duodecim tribus Israel.

Postcommunio.

PERceptis Dómine Sacramentis sup-
pliciter exoramus: ut interceden-
tibus beatis Apóstolis tuis, quæ pro
illorum veneranda gerimus comme-
moratione, nobis proficiant ad medé-
lam. Per Dóminum nostrum.

Die XVI. Julii.

IN FESTO

S. MARIE de Monte Carmelo.

Miffa ut in Roman. Missal.

Die XVI. Julii.

IN FESTO

SS. Eremitarum Andrea & Benedicti
Martyrum.

Miffa. Sapientiam, de communi
plurimorum Martyrum.

Die XVIII. Julii.

IN FESTO

B. Simonis de Lipnica, Confessoris.

Miffa. Os Justi. de Communi Con-
fess. non Pontif.

Oratio.

CONcede quæsumus omnipotens &
misericors DEUS, ut beati Simó-
nis Confessoris tui præclara mérita no-
bis proficiant, & Tuâ gratiâ, quam pre-
câmur, nos dignos efficiant, in qua fir-
mati, tuæ gloriæ simus annumerati.
Per Dóminum nostrum &c.

Orat. hæc approb. pro Ord. S. Fran-
cisci. Pro Clero Sæcul.

Oratio.

DEUS, qui Beati &c. ex Communi
Conf. non Pont.

Die XX. Julii.

IN FESTO

B. Ceslai Confessoris P. R. P.

Miffa: Os Justi. ex Commun. Conf.
non Pont. Evang. Designavit Dóminus.
ex Commun. Evangel.

Oratio

DEUS, qui beatum Ceslaum virgi-
neo morum candore præditum,
& salutis animarum zelo succensum in
diversis nationum populis, operum fan-
ctitate, & fidei propagatione mirabi-
lem effecisti: præsta quæsumus, ut ejus
intercessione simus semper in fide stabi-
les, & ad te, qui solus es æternæ salu-
tis auctor ac largitor, misericordiae tuæ
múnere pervenire valeamus. Per Dó-
minum nostrum.

Die XXIV. Julii.

IN FESTO

S. Christinæ Virg. & Martyris.

Miffa. Me expectaverunt. de Com-
muni Virg. & Mart.

Oratio. Indulgentiam. & sit com-
memoratio Vigiliæ sancti Jacobi, nisi
sit Patrona vel Titularis Ecclesiæ.

Dominica proxima post XXIV. Julii.

IN FESTO

Beatæ Cunegundis Virginis.

Miffa. Dilexisti. de Commun. Virg.
non Mart.

Oratio.

DEUS, qui B. Cunegundem dulce-
dinis tuæ benedictionibus præ-
venisti, ac Virginem etiam in conjú-
gio conservasti, præsta, quæsumus,
ut ipsa interveniente per vitæ purita-
tem, tibi júgiter adherere, & per
ejus vestigia gradientes, ad te perve-
nire feliciter mereamur. Per Dómi-
num nostrum.

FESTA AUGUSTI.

Die XVI. Augusti.

IN FESTO

S. ROCHI, Confessoris.

Missæ ex Communi Abbat.

Oratio.

DEUS, qui gloriósus es in Sanctis tuis, qui que cunctis ad eórum patrocínia confugiéntibus suæ petitionis salutárem præstas effectum; concede plebi tuæ, ut intercedente B. Rocho Confessore tuo, quæ in ejus commemoratione se devótam exhibet, à languóre epidémiae, quem in suo corpore pro tui nóminis glóriæ passus est, sit libera, & tuo nómini semper sit devóta. Per Dóminum nostrum.

Die XVIII. Augusti.

In Festo S. Claræ de Monte Falco.

Oratio.

DEUS, qui beatam Virginem tuam Claram clarificans, in ipsius Corpore Passiónis Tuæ, & Trinitatis Mysteria renovásti: præsta quæsumus; ejus præcibus & imitatione sic nos Tuæ Passiónis amaritudinem recordári, ut Trinitatis beatitudine perfrui mereámur. Qui vivis & regnas cum DEO Patre &c.

Die XIX. Augusti.

IN FESTO

S. Benignæ Virginis & Mártiris.

Introitus. Psalm. 118



Loquebar de testimoniis tuis in conspectu Regum, & non confundabar: & meditabar in mandatis tuis, quæ dilexi nimis.

Psalm. ibid. Beati immaculati in via: qui ambulat in lege Dómini. V. Glória Patri.

Oratio.

DEUS, qui inter cætera poténtiæ tuæ miracula, etiam in sexu frá-

gili victóriam martyrii contulisti: concede propítius; ut, qui beatæ Benignæ virginis & mártiris tuæ natalitia colimus, per ejus ad te exémpa gradiámur. Per Dóminum.

Epistola. Confitebor tibi Dómine Rex. de Communi Virg. & Martyris.

Graduale. Psalm. 45. Adjuvabit eam Deus vultu suo: Deus in medio ejus non commovebitur. V. Fluminis impetus lætificat civitatem Dei: sanctificavit tabernaculum suum Altissimus.

Allelúja, allelúja. V. Psalm. 44. Adducéntur Regi virgines post eam, proximæ ejus afferéntur tibi in lætitia. Allelúja.

Evangelium. Simile erit regnum celorum decem Virginibus. de Communi Virginis & Martyris.

Offertorium. ibid. Diffusa est grátia in lábiis tuis, propterea benedixit te DEUS in ætérnum, & in sæculum sæculi.

Secreta.

Suscipe Dómine múnera, quæ in beatæ Benignæ virginis & mártiris tuæ solemnitate deferimus, cujus nos confidimus patrocínio liberári. Per Dóminum nostrum.

Communio. Matth. 25. Quinque prudentes virgines acceperunt óleum in vasis suis cum lampádibus: média autem nocte clamor factus est, ecce sponsus venit, exite óbviám Christo Dómino.

Postcommunio.

Auxiliéntur nobis, Dómine, sumpta mystéria: & intercedente beatá Benigná Virgine & Mártire tua, sempitérna faciant protectione gaudere. Per Dóminum.



Die

Die XXIV. Augusti.

IN FESTO

Sancti Hyacinthi Confessoris.

Introitus. Psalm. 36.



S justi meditabitur sapientiam, & lingua ejus loquetur iudicium: lex Dei ejus in corde ipsius.

Psalm. ibid. Noli æmulari in malignantibus:

neque zelaveris facientes iniquitatem.

V. Gloria Patri.

Oratio.

Adesto Dómine supplicationibus nostris, quas in beati Hyacinthi Confessoris tui solemnitate deferimus: ut qui nostræ justitiæ fiduciam non habemus, ejus, qui tibi placuit, precibus adjuvemur. Per Dóminum nostrum JESUM Christum.

Vel. Oratio.

DEUS, qui beatum Hyacinthum Confessorem tuum, in diversis nationum populis óperum sanctitate, & miraculorum glória fecisti conspicuum: da nobis, ut suis in melius reformemur exémpis, & in adversis protegámur auxiliis. Per Dóminum nostrum JESUM Christum Filium tuum: qui tecum vivit & regnat in unitate Spiritus sancti DEUS.

Lectio Epistolæ beati Pauli Apóstoli ad Corinthios. 1. Cor. 4. b.

Fratres: Spectaculum facti sumus mundo, & Angelis, & hominibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphis cadimur, & instabiles sumus, & laboramus operantes manibus nostris: maledicimur, & benedicimur: persecutionem patimur, &

sustinemus: blasphemamur, & obsecramus: tamquam purgamenta hujus mundi facti sumus, omnium peripséma usque adhuc. Non ut confundam vos, hæc scribo, sed ut filios meos charissimos moneo. In Christo JESU Dómino nostro.

Graduale. Psalm. 91. Justus ut palma florebit: sicut cedrus Libani multiplicabitur in domo Dómini.

V. Ad annuntiandum manè misericordiam tuam & veritatem tuam per noctem. Allelúja, allelúja.

V. Jac. 1. Beatus vir, qui suffert tentationem: quóniam cum probatus fuerit, accipiet coronam vitæ. Allelúja.

† Sequéntia S. Evangelii secundum Lucam. Luc. 12.

In illo tempore: Dixit JESUS discipulis suis: Sint lumbi vestri præcincti, & lucernæ ardentes in manibus vestris, & vos similes hominibus expectantibus dóminum suum, quando revertatur à nuptiis; ut, cum venerit, & pulsaverit, confestim apérint ei. Beati servi illi, quos cum venerit dóminus, invenerit vigilantes: amen dico vobis, quòd præcinget se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quóniam si sciret paterfamilias, qua hora fur veniret, vigilet utique, & non sineret perfodi domum suam. Et vos estote parati: quia qua hora non putatis, Filius hominis veniet.

Offertorium. Veritas mea, & misericordia mea cum ipso: & in nómine meo exaltabitur cornu ejus.

Secreta.

Præsta nobis, quæsumus omnipotens DEUS: ut nostræ humilitatis oblatio, & pro tuorum tibi grata sit

G

honó-

honore Sanctorum, & nos corpore pariter & mente purificet. Per Dominum nostrum Jesum Christum Filium tuum.

Communio. Matth. 24. Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum.

Postcommunio.

Quæsumus omnipotens DEUS: ut, qui cœlestia alimenta percipimus, intercedente beato Hyacintho Confessore tuo, per hæc contra omnia adversa muniamur. Per Dominum nostrum Jesum Christum Filium tuum: Qui tecum vivit, & regnat in unitate Spiritus sancti Deus.

Dominica I. post Octavam Assumptionis B. V. M.

IN FESTO

Translationis S. Casimiri Confessoris.

Missæ. O s just, de Comuni Confess, non Pontif.

Oratio.

DEUS, qui beatum Casimirum de mundi & carnis victoria triumphantem, à terreno ad cœlestè Regnum transtulisti; da quæsumus, ut, qui ejus hodie memoriam translationis agimus, ejusdem semper in adversitatibus experiamur suffragia. Per Dominum.

Die XXIX. Augusti.

IN FESTO

Sanctæ Sabinæ Martyris.

Introitus. Psalm. 78.

ME expectaverunt peccatores, ut perderent me: testimonia tua Domine intellexi: omnis consummationis vidi finem: latum mandatum tuum nimis.

Psalm. ibid. Beati immaculati in via, qui ambulat in lege Domini.
Ps. Gloria Patri.

Oratio.

DEUS, qui inter cætera potentia tuæ miracula, etiam in sexu fragili victoriam martyri contulisti; concede propitius; ut, qui beatæ Sabinæ martyris tuæ natalitia colimus, per ejus ad te exempla gradiamur. Per Dominum nostrum.

Epistola. Confitebor tibi Domine Rex. ut in Comuni Martyris non Virginis.

Graduale. Psalm. 44. Dilexisti justitiam, & odisti iniquitatem. **Ps.** Propterea unxit te Deus, Deus tuus, oleo lætitiæ. Allelûja, allelûja.

Ps. Spécie tua, & pulchritudine tua intende, prospere procede, & regna. Allelûja.

Evangélium. Simile est regnum cœlorum thesauro abscondito in agro. **de eodem Comuni.**

Offertorium. Diffusa est grátia in labiis tuis, propterea benedixit te DEUS in æternum, & in sæculum sæculi, allelûja.

Secreta.

Hostias tibi, Domine, beatæ Sabinæ martyris tuæ dicatas méritis, benignus assume: & ad perpetuum nobis tribue provenire subsidium. Per Dominum nostrum.

Communio. Psalm. 118. Principes persecuti sunt me gratis, & à verbis tuis formidavit cor meum: lætabor ego super eloquia tua, quasi qui invenit spolia multa.

Postcommunio.

Divini muneris largitate satiati, quæsumus Domine DEUS noster: ut intercedente beata Sabina martyre tua, in ejus semper participatione vivamus. Per Dominum nostrum.

Die

Die XXX. Augusti.

IN FESTO

Sanctæ Rosæ Limanæ.

Missæ. Dilexisti. ex Comuni unius Virginis.

Oratio.

Bonorum omnium largitor omnipotens DEUS, qui B. Rosam cœlestis grátia rore præventam, Virginitatis & pudicitia decore Indis florescere voluisti: da nobis famulis tuis, ut in odorem suavitatis ejus currentes, Christi bonus odor effici mereamur. Per Dominum nostrum Jesum Christum Filium tuum: Qui tecum vivit, & regnat &c.

In Diocesi Vilenfi, Samogetien. Livoniæ celebratur xvi. August.

Die XXX. Augusti.

IN FESTO

SS. Felicis, & Audacti, MM. in Diocesi Vilenfi, Samoget. & Livon.

Missæ ut in Missal. Rom. additur Collecta pro gratiarum actione.

FESTA SEPTEMBRIS.

Dominica II. post Octavam Assumptionis B. V. M.

IN FESTO

S. Joachim Patris B. M. V. P. R. P.
Missæ: ut in Missal. Roman.

Dominica infra Octavam Nativitatis B. V. M.

IN FESTO

Sanctissimi Nominis B. V. MARIÆ.

A Sacra Rituum Congregatione die xxxi. Maij, anno MDCLXX. concessa; ut licet à quibuscunque Presbyteris per totam Diocesim Vilen. in festo Nominis B. V. M. primâ Dominicâ post octavam Nativitatis ejusdem B. V. in posterum celebrando, recitari possit. Quam etiam ad libitum per modum votivæ huic SS. Nomini devotis celebrare licebit.

Introitus. Psalm. 44.



Ultum tuum deprecabuntur omnes divites plebis; adducuntur Regi Virgines post eam, proxima ejus adducuntur tibi in lætitia & exultatione.

Psalm. ibid. Eructavit cor meum verbum bonum, dico ego opera mea Regi.

Ps. Gloria Patri.

Oratio.

DEUS, qui gloriosam Matrem tuam nominari MARIAM voluisti, concede quæsumus, ut, qui dulce MARIÆ Nomen implorant, perpetuum sentiant tuæ benedictionis effectum, qui vivis & regnas.

Lectio Libri Sapientia. Eccl. 24.

Ego quasi Vitis fructificavi suavitatem odoris: & flores mei fructus honoris & honestatis. Ego Mater pulchræ dilectionis, amoris, & sanctæ spei. In me grátia omnis viæ & veritatis: in me omnis spes vitæ, & virtutis. Transite ad me omnes, qui concupiscitis me, & à generationibus meis adimplerini. Spiritus enim meus super mel dulcis, & hæreditas mea super mel & favum. Memoria mea in generationes sæculorum. Qui edunt me, adhuc esurient, & qui bibunt me, adhuc sitient. Qui audiunt me, non confundentur: & qui operantur in me, non peccabunt. Qui elucidant me, vitam æternam habebunt.

Graduale. Benedicta, & Venerabilis es Virgo MARIA, quæ sine tactu pudoris inventa es Mater Salvatoris.

Ps. Virgo DEI genitrix, quem totus non capit orbis, in tua se clausit viscera factus homo. Allelûja, allelûja.

G 2

Ps. Tu

V. Tu glória Hierúsalem, tu lætítia Israël, tu honorificéntia pópuli nostri. Allelúja.

† Sequéntia S. Evangelii secúndum Lucam. **Luc. 1.**

In illo tēpore: Missus est Angelus Gábriel à DEO in civitátem Galiléæ, cui nomen Názareth, ad Virginem desponsátam viro, cui nomen erat Joseph, de domo David, & nomen Virginis, María. Et ingressus Angelus ad eam dixit: Ave grátia plena, Dóminus tecum: benedícta tu in mulieribus. Quæ cum audisset, turbáta est in sermóne ejus: & cogitábat, qualis esset ista salutátio. Et ait Angelus ei: Ne timeas María: inventi enim grátiam apud DEUM. Ecce concípies in útero, & páries filium: & vocábis nomen ejus JESUM. Hic erit magnus: & Fílius Altíssimi vocábitur. Et dabit illi Dóminus DEUS sedem David Patris ejus: & regnábít in domo Jacob in aeternum: & regni ejus non erit finis. Dixit autem María ad Angelum: Quómodo fiet istud, quóniam virum non cognóscó? & respóndens Angelus dixit ei: Spíritus Sanctus supervéniet in te, & virtus Altíssimi obumbrábit tibi. Ideóque & quod nascétur ex te sanctum, vocábitur Fílius DEI. Et ecce Elisabéth cognáta tua, & ipsa concépit filium in senectúte sua. Et hic mensis sextus est illi, quæ vocátur stérilis: quia non erit impossíbile apud DEUM omne verbum. Dixit autem María: Ecce ancilla Dómini: fiat mihi tecúndum verbum tuum.

Offertorium.

Ave MARIA grátia plena: Dóminus tecum: Benedícta tu in mulieribus, & benedíctus fructus ventris tui.

Secreta.

Tua Dómine propitiátione, & beátæ MARIÆ semper Virginis in-

tercessióne, ad perpétuam atque præfentem hæc oblátio nobis proficiat prosperitátem & pacem. Per Dóminum nostrum JESUM Christum Fílium tuum,

Communio.

Beáta víscera MARIÆ Virginis, quæ portavérunt aetérni Patris Fílium.

Postcommunio.

Sumptis Dómine salutis nostræ subsidiis, da quæsumus Beátæ Mariæ semper Virginis patrocíniis nos ubique prótegi, in cujus veneratióne hæc tuæ obtulimus majestáti. Per Dóminum nostrum JESUM Christum Fílium tuum, qui tecum vivit &c.

Die IV. Septembris.

IN FESTO

S. Rosaliæ Virginis Panormitanæ, in
Dioecesi, Posnan. & Varmien.

Missa ut in fine Missalis.

Die X. Septembris.

IN FESTO

Sancti Dalmatii Martyris.

Introitus. Psal. 20.



In virtúte tua, Dómine, lætábitur justus: & super salutare tuum exultábit vehementer: desiderium ánimæ ejus tribuísti ei.

Psal. ibid. Quóniam prævenísti eum in benedictiónibus dulcedinis: posuísti in cápite ejus coronam de lapide pretiósó. **V.** Glória Patri.

Oratio.

Omnípotens sempitérne DEUS, fídelium tuórum indeficiens conservátor, qui gloriósi mártiris tui Dalmatii clarificáre dignátus es solemnitátem: exáudi preces supplicántis Ecclesiæ, & præsta, ut, quæ devótè

expe-

fus: Vade, & tu fac similiter. **Credo.**

Offertorium. Ephes. 5. 12.

Ambuláte in dilectiône, sicut & Christus diléxit nos, & tradidit semetipsum pro nobis oblationem, & hostiam Deo in odorem suavitátis.

Secreta.

Oblationem nostram, quesumus Domine, suscipere digneris, nobisque peccáta indulge, intercedente beáto Joanne Confessore tuo, cujus gloriosa Translatione lætamur. Per Dominum.

Communio. Luc. 6.

Multitúdo languéntium veniébat ad eum, & curábat omnes.

Postcommunio.

Eodem nos, Deus, per hæc sancta, quæ sumpsimus, igne purifica, quo beátum Joánnem voluísti indefinenter accénderi: ut ejus semper inflamémur exémples, cujus Exuviárum Translationem venerámur. Per Dominum nostrum JESUM Christum Fílium tuum qui tecum vivit & regnat in unitáte, &c.

DECRETUM

SACRÆ RITUUM CONGREGATIONIS.

Suprascriptum Officium proprium cum Missa, prout jacet, per Eminen-
tissimum, & Reverendissimum D. Cardinalem de Gentilibus diligenter
revisum, atque examinatum, & in Sac. Rituum Congregatione rela-
tum; Sac. eadem Congregatio, audito prius R. P. D. Ludovico de Valen-
tibus Fidei Promotore, ad instantiam Superiorum Generalium Ordinis S. Jo-
annis de Deo benigne approbavit, ut singulis annis die vigesima octava No-
vembris in festo Translationis ejusdem S. Joannis de Deo, eorum Fundatoris,
sub Ritu Duplici primæ Classis cum Octava ab omnibus Religiosis præfati
Ordinis recitari, & Missam respective etiam a Sacerdotibus, ad eorum Ec-
clesias confluentibus, celebrari posse, ac imprimi concessit. Hac die 3. Sep-
tembris 1746.

F. J. A. Card. Guadagni pro-Præfectus.

Loco † Sigilli.

T. Patr. Hierosolymit. Secret.

